

職官志第二

德慶州志七

宦績附 諡宦

義烏朱一新纂漢陽關棠覆纂德慶州梁廷廣初纂

循良報最惠績彰施口碑載途感涕橫路趙忠景之遐節陸石泉之碩畫吳春帆之勞烈遺愛尤卓卓焉與聞

國政而無益於民可乎詩曰愷悌君子民之父母後有作者可以興已作宦績

劉瞻唐

楊伍

趙師旦馬貴

彭淳

周敦頤

鄧孝廉

劉燾

冷應澂

李春叟以上宋

拜住

王良

陳文仲以上元

孫彬

徐行

黃廣

鄒熙

毛添佐

徐聰

方立

周冕

朱智

蕭均

謝回

楊信民

謝必賢

張廊

陳疊

張鑑

李瑛

劉福真

蔣智

黃浩

莊楷

管淳

鄭乾

王淮

顧叔龍

口口

同昌公主學被宗

楊純

熊文綬

士樹學空臨

田惟祐

口口口

陳琚

李松

周文燠

陸舜臣

陳煝

張岳

陳露

錢萱

戴汝愚

凌雲翼

羅應白

張源

熊克壯

羅鶚

陳應鳳

沈有巖

陳益謨

姚仕牙

黃翼登

皇朝詞林典故

商朝仕

黎遵指明以上

饒崇秩

秦世科

譚桓

王基鞏

李育熊

張安鼎

田幼安

鄢大沛

徐志培

邱之澄

柯玉齊

楊瓚

何世琬

吳贊誠

余鑑海

周震泰以上國朝

唐

劉瞻字幾之其先出於彭城後徙桂陽舉進士博學宏詞皆中咸通十一年以中書侍郎同平章事同昌公主薨懿宗捕

太醫韓紹宗等送詔獄逮繫宗族數百人瞻喻諫官皆依違

無敢言即自上疏固爭新唐書本傳帝閱疏大怒即日罷相位充

荆南節度等使再貶康州刺史舊唐書本傳政平訟理民甚德之

府志引瞻既貶路巖猶不怏閱十道圖以驩州去長安萬里

再貶驩州司戶通鑑僖宗立量移虢州新唐書本傳二月遷刑部尚

書通鑑

宋

楊伋舊志職官表作丕字大中登大中祥符八年進士授國子博士

進尚書屯田郎知康州有治績以廉謹名天下仁宗嘗稱之

府志引廬陵志案宋官制惟太學博士及屯田郎中與此小異因府志引書宜用原文今仍之

趙師旦字潛叔輿地紀勝誤作叔潛其先單州武城人後徙楚州山陽

王安石撰墓誌見臨川文集樞密副使稹之從子按墓誌云用叔祖廕入官則稹之從孫也宋史

誤美容儀身長六尺少年頗涉書史尤刻意刑名之學用種

廕試將作監主簿累遷知江山縣移知康州宋史忠義曹觀附傳皇祐

四年五月乙巳胡儂智高破邕州順流東下忠義傳參畢沉續通鑑師

旦至州方二月墓誌案輿地紀勝引倦遊錄云到諭官屬

吏民使走避曰守城而死乃監軍泊吾之職也輿地紀勝引倦遊錄使

人覘賊還報曰諸州守皆棄城走矣師旦叱曰汝亦欲吾走

矣乃大索得謀者三人斬以徇而賊已薄城下忠義傳康州無

城壁師旦聚兵三百人與賊血戰呂頤浩然魏雜錄手殺數十人射

殺賊二驍將輿地紀勝會暮賊稍卻師旦語其妻取州印佩之使

負其子以匿曰明日賊必大至吾知不敵然不可以去汝留

死無益也遂與押衙馬貴部士卒固守召貴食貴不能食師

旦獨飽如平時至夜貴臥不安席師旦即臥內大斲墓誌忠義傳

遲明賊攻城愈急左右請少避師旦曰戰死與戮死何如皆

曰願為國家死至城破無一人逃者矢盡與貴俱還據堂而

坐智高麾兵鼓譟爭入脅師旦師旦大罵曰餓獠朝廷負若

何事乃敢反耶天子發一校兵汝無遺類矣智高怒並貴害

之忠義傳三百人亦皆死墓誌五月十八日也續通鑑後二日州司

理譚必始為之棺殮墓誌賊既去州人為立廟忠義傳九月己未

錄倦遊贈光祿少卿續通鑑與宋史同惟倦遊錄云贈衛尉卿恐誤賜其母王長安縣

太君冠帔錄其子弟并從子三人按墓誌云官其一子覲有侍禁官其弟試將作監主簿又以其弟師陟為光祿寺丞師旦遇害時年四十二柩過

簽書秦州軍事判官廳公事

江山江山之人迎喪哭祭於路絡繹數百里不絕忠義傳朝士

賦詩有不愧山西士大夫之句輿地紀勝先是師旦出其妻藏於

山谷道生一子棄草中賊去三日復歸之尚生人謂忠義之

感錄倦遊紹興六年六月賜諡莊愍從曾開之請也續通鑑

云賜諡非忠恐非靖康初追諡愍惠侯明一統志後祀名宦舊志寶祐時以貴

配享師旦祠詳壇廟序呈祐四年山陽趙公以贊善大夫守晉康未

逾厥月儂智高起於廣源遂及邕州賊乘銳勢如飄風突至

晉康乘城而鬪公率羸師數百為捍蔽手殺數十人又射其

二驍帥應弦俱倒賊勢雖沮而其徒大至盡銳攻之於是軍

吏輩請公避賊公曰全家吃着是國家的是三百羸師人

人爭奮血戰而死無一人亡者其赤心義烈貫通白日遂合

此曹舍生取義此君子所以為公泣也蓋歷代之禍奸臣賊

子所以得遂其惡者全以食焉避其難也蓋王莽之徒不避其難何

奸之不可除何亂之不可平耶如此即王莽之徒不避其難何

國王倫之徒不得賣其名安有世為其臣世食其祿并其國

而賣之者乎至如褚彥回輩是食肉而避其難也聞公之言

其亦自訕於地下矣問者曰公之死節其義則然則何益

於敗答曰守義死節不論成敗而後為之者是庸眾

人之事也且智高本謀出人不意而攻其所以得紓少日以修備

無留行直指番禺則其城危矣番禺所以得紓少日以修備

禦者以康州力戰與賊相持故也則廣州不陷者康州之力

也何為無益問者又曰假使曠日持久能為睢陽之事乎答

曰凡全城者所以全人也使人相食魚肉其民此康州之所

不為也然則為之柰何曰必不得已北面再拜以謝朝廷伏

大二百七十七
小五百五十六

劍自殺以謝百姓此康州之所能為之矣嗟乎使康州而無
死何義之不立何忠烈之不可為哉故為忠烈詩云在昔皇
祐蠻黨交搆聚為伏梟趨為攫獸出人不意其鋒甚銳州無
敵兵城無守備所在奔亡賊勢益張橫身捍蔽爰有晉康羸
兵數百摧堅沮敵殊死血戰氣吞逆賊按劍一呼皆裂吻折
凶焰方熾公方虎視人方憂死飽食斲睡勇如項籍哀歌惻
惻為虞姬泣康州不然坐叱凶妖李陵壯夫終為敵俘老母何辜顏
於橋康州不然坐叱凶妖李陵壯夫終為敵俘老母何辜顏
魯雖賢所守不堅大節不全奇哉康州其勇絕類以義配勇
其本在內不動如山不傾如地何物可搖何兵可制假令不
死社稷何恃如令復生可備宿衛佩刀驂乘執戟殿陛用之
朝廷朝廷之綱使當一面勝於金湯無疆無界人跡鬼方知
有斯人中國之光若斯人者波不徇利肝膽可瀝頭臂可碎
生乎由是死乎由是生亦可貴死亦可貴死而有子時方三
歲死中得活此乃天意使承其家世為忠義子子孫孫永不
失墜我為此詩激厲萬世宋轉運使元絳憫忠詩轉戰譙
門日再晡空拳猶自冒戈及身垂虎口方堅坐命棄鴻毛更
疾呼柱上臬卿餘斷節袴間杵日得遺孤吁嗟天下英雄氣
不愧西山士大夫陸志宋郭祥正青山集詩一賊鳴鐘鼓孤
城隕使星形骸糜矢石忠義貫丹青皎皎張巡傳新新李子
銘吾詩愧涓滴

彭淳

按舊志職官表作醕
元祐黨籍碑亦作醕

字道源廬陵人登熙甯六年進士

何以助南溟

第歷守康賀二州所至有惠政嘗上書譏切王氏之學崇甯

三年編入黨籍按黨籍碑醕名在餘官百七十六政和初以朝奉大夫致仕

有徹溪居士集五十卷周必大楊萬里為之序府志引廬陵志

周敦頤字茂叔道州營道人熙甯初用趙抃呂公著薦為廣

東轉運判官提點刑獄以洗冤澤物為己任不憚勞苦雖瘴

癘險遠亦緩視徐按凡巖洞之勝若端之石室康之三洲春

之銅石常遊覽紀姓名於石今各邑多有濂溪書院府志引嘉靖志

按宋史有傳

鄧孝廉字清臣曲江人建炎三年進士以朝散郎倅邕改知

德慶府往時歲租倍取民不堪命孝廉定輸數以示民民樂

歌之府志引韶州志

劉燾陸志同舊字晦伯建陽人受學於朱熹呂祖謙乾道八

大一百三十五
小五百三十

年舉進士差知德慶府大修學校奏便民五事又奏罷兩縣

無名租錢糾集武勇民兵遷工部尚書兼太子右庶子左諭

德卒贈光祿大夫諡文簡

宋史參明統志

崇祀名宦

舊志

冷應澂

陸志同舊志作徵

字文定隆興分甯人

舊志職官表作洪州分甯人

寶慶

元年進士奉使督餉江上還知德慶府前守政不立縱豪吏

漁獵峒獠遂大為變徧城六十里而營應澂未入境馳檄諭

之曰汝等不獲已至此新太守且上轉禍為福一機也脅從

影附亦宜早計去就不然不免矣獠感悟欲自歸惑謀主不

果眾稍引去應澂知其勢解即厲士馬出不意一鼓擒之縱

遣歸農猶千餘人乃請諸監司歸郡之避難留幕府者誅豪

吏之激禍者初經略雷宜中意應澂必以濟師來請及是歎

服亟上其事薦應澂可大用屬縣租賦誘道阻久不至郡應

徵爲之期曰首輸者與減分未至則償所減民惟恐後不一
月訖事凡諸綱官廩稍軍券前政積不得者悉補還之上下
欣附應徵亦極力摩撫與爲簡便期年報政奏罷抑配鹽法
及乞用楮券折銀綱等五事以紓民力詔就升本道提舉常
平並轉運使俾行其說旋召爲都官郎官未行就升直寶章
閣知廣州主管廣南東路經略安撫司公事馬步軍都總管

後卒於家

宋史本傳 祀名宦

舊志

李春叟字子先東莞人寶祐四年丙辰省試中選以誤書謹
對黜廷紳交薦乃授惠州司戶有賢能聲景定間廣東提刑
楊允恭狀奏除肇慶府司理常辦冤獄當路不從卽投告身
於庫請歸事竟得白郡守劉叔子歎服尋除德慶教授秩滿
而歸絕意仕進乃著論語傳說補

舊志

元

拜住以武勳為千戶順帝元統元年西寇至晉康拜住出與賊戰策馬逐至城西龍母橋橋已拔官軍駐橋東賊駐橋西拜住素善騎射乃發矢踏其旗首後發矢又中一賊賊陰使人圍其後拜住計窮瞋目罵賊曰汝鼠輩自速死早晚皆成擒矣今我死所也賊槍格墜馬遂被害郡人憐之二年總管

郭友立祠祀焉

陸志舊志阮通志引黃志同

王良字士純真定藁城人至正十年以萬戶來守

陸志作來鎮

時

江水暴漲民多墊餒良惻然出廩賑之寇襲城迎擊奪其舟以歸平居恂恂雅飭延禮賓儒撫綏兵民威德著聞楊鑄撰政績碑記其事

互詳金石

逮洪武初軍士編籍者多曰王良所募

之軍云祀名宦

陸志舊志參阮通志引黃志同

陳文仲字仲常湖廣巴陵人襲父鎮撫職至正三年為總管

府萬戶至正十三年西寇入境文仲同郡人李質禦之陸志擒

斬亂民張宗達保有封川德慶二郡阮通志引黃志明洪武元年平

南將軍廖永忠兵至見文仲與李質深器重之陸志府志引舊通志是

年八月卒子孫遂家焉記名宦志

明

孫彬齊東人洪武二十三年舊志職官表作二十年由人材知州事以

德化民舉賢才興學校適歲旱民饑選富室有蓄積令貸民

賴得所陸志阮通志引黃志永樂二年立州署後堂舊志互見廨署卒於官陸志

阮通志引黃志祀名宦舊志

徐行字同倫進賢人永樂三年以監察御史左遷州判官學

優才瞻有守有為興利除害德威並濟政暇則臨學校誨生

徒士民戴之如父母祀名宦

舊志參陸志

黃廣字文溥福建同安人永樂六年

舊志職官表作十一

由監生歷官

遷知州事政有條理興學校均徭賦招逃民滅除鹽鈔

陸志

賴其惠雖徭人之強梗者亦聽其撫

黃通志

十二年延名儒修

郡志大府嘉之祀名宦

舊志

鄒熙字孟輝福建建安人舉人

按舊志職官表作福安人劉曾鄉貢進士題名記云監生

永樂十五年授州同知宅心恬淡蒞事公勤人稱良佐

陸志阮通

志引黃志

毛添佐字公輔湖廣麻城人監生永樂十六年授州事守正

奉公敬賢禮士庶務修舉民思慕之

陸志祀名宦

徐聰

按舊志云先正祠記作徐總

字思敏福建建安人

按舊志作福安人職官表亦作建安

人監生永樂年授州同知廉謹簡淡多得民心後以憂去

陸志

方立字至道福建閩縣人舉人宣德六年授州學正禮賢育

士講解不懈陸志後學仰之祀名宦舊志

周冕字尙文浙江臨安人正統初知州事莅事簡而不略治

民嚴而不苛明而能斷修城池興學校奸民斂迹良善獲安

陸志參阮通志引郝志祀先正祠舊志

朱智福建閩縣人陸志作侯官正統三年任州判官陞同知政聲

著聞加意學校新大成殿建御書樓陸志作雲章閣工雖浩繁而經

理得宜民不稱擾阮通志引郝志士民德之祀先正祠舊志

蕭均字秉衡江西太和人舉人正統三年任州學正立心正

大訓誨有方陸志舊志

謝回字居仁福建閩縣人舉人正統六年任州學正善迪後

進士類多賴成就陸志祀名宦舊志

大三百九十四
小一百二十六